



UNIVERSITÄTS-
BIBLIOTHEK
PADERBORN

Universitätsbibliothek Paderborn

Ioannis Ioviani Pontani amorum libri II.

Pontano, Giovanni Gioviano

Venetiis, 1518

Ad Ioannem pardum.

urn:nbn:de:hbz:466:1-13534

LIB. I. CLE. 116
DE AMANTIVM infelicitate.

n Ere rosas, segetes æstate, subinde racemos,
Perq; hyemem Genij dona beata legunt.
Flora rosas, messemq; Ceres, Pomona racemos,
Inde suas Genius sponte ministrat opes.
At miserandus amans et frigore tristis, et æstis
Veréq; et. Autumno nil nisi triste legit.
Hinc amor, inde Venus lacrimas, suspiria, questus,
Inde Cupido grauem fundit amaritatem.
Sin quandoq; rosas legit, et legit ipse hyacinthos,
Perq; suas sentis, perq; rubeta legit.

DE ERIDANO.

b Eliadum è lacrimis Thaethontiadumq; sororū
Eridanus moesto suetina in amne legit.
E lacrimis cum stella suis lauit ora, genasq;
stillat et hinc uiolas, afflat et inde rosas.
Electro felix, felix uiolisq; rosisque
Eridane, è lacrimis sunt tibi diuitiae.

AD IOANNEM PARDVM.

n On arcum meditatur amor, nō spicula Pardæ,
Et tela et pharetras occupat ipse situs.
Pro pharetra nudis deus utitur ipse papillis,
His tincta Idalio spicula felle latent.
Vtitur idem oculis in uulnera nostra sagittis.
Ex oculis heu heu missa sagitta ferit.
Tu uero quoties felix in amore, papillas
Tractabis, sis o' sis memor usq; tui.

p 117,

ERIDANORVM

Illic insidias, illic latitare pharebras,
Letiferumq; illic uirus inesse puta,
Cumq; tibi ex oculis mollis spirauerit aura,
Et ferro, et flammis pectus inerme peti.
Heu heu non oculis, non me puer iste papillis
Aut petit, aut urit, uel mea corda ferit.
Me risu me Stella capit, hic ignis, et arcus,
Hic solus nostro pectore regna tenet.
Nunc ride formosa, meis nunc ignibus insta,
Et mea ridendo pectora molle feri.
Molle feri formosa, trucesq; auerte sagittas,
Neu sanguis, neu te funera nostra iument.

AD SYRIANAM.

Ic age dic Syria, deus quis curet amantes?
Nempe amor. ast odit quis deus? odit amor.
Odit amor, quoniam ferrum meditatur, et ignes,
Letifera spargens spicula torta manu.
Curat amor, quod et amplexus, et grata procurat
Oscula, quod placido gaudia mille toro.
Quis deus hic amor est? pacem qui curat et arma,
Et pace in media tela cruenta iacit?
Haec et acuta iacit, iacit illa retusa, nec igni
Indita certa fides, hic cremat, ille gelat.
Vrit et hinc flammis torrentibus, inde liquentis
Soluit et in latices, illeq; et ille dolet.
Talis amor deus est. maris hic uestigia seruat,
Nunc scuit, blandis nunc agit ipse modis.
Nil laetum, nil dulce diu sinit, aut sinit aegrum
Instabilisq; puer, et puer ipse deus.